

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՊԵՏԱԿԱՆ ԵԿԱՄՈՒՏՆԵՐԻ ԿՈՄԻՏԵ
ՀԱՐԿԱՅԻՆ ԵՎ ՄԱՔՍԱՅԻՆ ՄԱՐՄԻՆՆԵՐԻ ԲՈՂՈՔԱՐԿՄԱՆ
ՀԱՆՁՆԱԺՈՂՈՎ

ՈՐՈՇՈՒՄ N 92/36

ք.Երևան

08 դեկտեմբերի 2023թ.

Հայաստանի Հանրապետության պետական եկամուտների կոմիտեի հարկային և մաքսային մարմինների բողոքարկման հանձնաժողովը (այսուհետ նաև՝ Հանձնաժողով), քննության առնելով ՀՀ ՊԵԿ իրավաբանական վարչության պետի 28.08.2023թ. վարչական իրավախախտման գործի վերաբերյալ թիվ 628694/20 որոշման դեմ «ՏՈՆՈՒՍ-ԼԵՍ ՌԵՄԵԴԻ» ՍՊԸ-ի (ՀՎՀՀ՝ 00176198) տնօրեն Սերգեյ Հակոբյանի դիմում-բողոքը՝

ՊԱՐԶԵՑ

ՀՀ ՊԵԿ իրավաբանական վարչության պետի 28.08.2023թ. վարչական իրավախախտման գործի վերաբերյալ թիվ 628694/20 որոշմամբ «ՏՈՆՈՒՍ-ԼԵՍ ՌԵՄԵԴԻ» ՍՊԸ-ի տնօրեն Սերգեյ Հակոբյանի նկատմամբ կիրառվել է Վարչական իրավախախտումների վերաբերյալ ՀՀ օրենսգրքի 169¹²-րդ հոդվածով նախատեսված պատասխանատվության միջոցը՝ նշանակվել է տուգանք 50000 (հիսուն հազար) դրամի չափով:

«ՏՈՆՈՒՍ-ԼԵՍ ՌԵՄԵԴԻ» ՍՊԸ-ի տնօրեն Սերգեյ Հակոբյանի կողմից 27.11.2023թ.-ին ՀՀ պետական եկամուտների կոմիտե դիմում-բողոք է ներկայացվել՝ ՀՀ ՊԵԿ իրավաբանական վարչության պետի 28.08.2023թ. վարչական իրավախախտման գործի վերաբերյալ թիվ 628694/20 որոշման դեմ:

ՀՀ հարկային օրենսգրքի 442-րդ հոդվածի 2-րդ մասի 8-րդ կետի համաձայն՝ հարկային մարմնի բողոքարկման հանձնաժողովն ընդունում է հարկ վճարողի դիմում-բողոքի քննարկման վարույթը կարճելու մասին համապատասխան գրավոր որոշում, եթե բացակայում է հարկային մարմնի կողմից բողոքարկվող իրավական ակտի, գործողության կամ անգործության դեպքը:

Քննարկվող դեպքում ՀՀ ՊԵԿ իրավաբանական վարչության պետի 27.11.2023թ.-ի թիվ 628694/20-Ա որոշմամբ անվավեր է ճանաչվել «ՏՈՆՈՒՍ-ԼԵՍ ՌԵՍԵԴԻ» ՍՊԸ-ի տնօրեն Սերգեյ Հակոբյանի նկատմամբ 28.08.2023թ.-ին կայացված թիվ 628694/20 վարչական իրավախախտման գործի վերաբերյալ որոշումը:

Հետևապես, ղեկավարվելով վերը նշված իրավանորմերի դրույթներով, դիմում-բողոքի հիման վրա հարուցված վարչական վարույթը ենթակա է կարճման:

Ելնելով քննարկման արդյունքներից և ղեկավարվելով Հայաստանի Հանրապետության հարկային օրենսգրքի 20-րդ բաժնով, «Մաքսային ծառայության մասին» Հայաստանի Հանրապետության օրենքի 37-րդ հոդվածով, Հանձնաժողովը

ՈՐՈՇՈՒՄ Է՝

ՀՀ ՊԵԿ իրավաբանական վարչության պետի 28.08.2023թ. վարչական իրավախախտման գործի վերաբերյալ թիվ 628694/20 որոշման դեմ «ՏՈՆՈՒՍ-ԼԵՍ ՌԵՍԵԴԻ» ՍՊԸ-ի տնօրեն Սերգեյ Հակոբյանի դիմում-բողոքի քննարկման վարույթը կարճել:

Սույն որոշումն ուժի մեջ է մտնում իրազեկելուն հաջորդող օրվանից:

Սույն որոշմանը չհամաձայնվելու դեպքում այն ուժի մեջ մտնելու օրվանից երկու ամսվա ընթացքում կարող է բողոքարկվել դատարան:

12/13/2023

X 

ԼՈՒՍԻՆԵ ՄԿՐՏՅԱՆ

Signed by: MKRTCHYAN LUSINE 5205700203

ՀԱՆՁՆԱԺՈՂՈՎԻ ՆԱԽԱԳԱՀԻ Ժ/Պ՝

ԼՈՒՍԻՆԵ ՄԿՐՏՅԱՆ